

Ma ni a matu Chyum Laika
Kumhpa



Noa Hte
Sha-u Ing
Ai Lam



Ka Lajang ai: Edward Hughes

Sumla Sama ai: Byron Unger; Lazarus
Alastair Paterson

Hkrang Jahtuk ai: M. Maillot; Tammy S.

Ga Gale ai: Doi Mai Bashi

Galaw Shapraw ai: Bible for Children
www.M1914.org

©2020 Bible for Children, Inc.

Ahkaw Ahkang: Ndai maumwi hpe, hpaga hku n dut ai sha,
ginlen la, (snr) dip shapraw la mai ai.




Noa gaw Karai Kasang
hpe nawku dawjau ai
wa rai nga ai. Kaga
masha yawng gaw, Karai
Kasang hpe lele ai ni
hkrai rai ma ai.



Lanimi hta, Karai Kasang
gaw Noa hpe, "Ngai
ndai n hkru ai mungkan
hpe jahten kau na we ai.
Na a dinghku masha ni


sha, lawt lu
na re,"
nga ai.



Karai Kasang gaw mungkan ga hpe
sha-u sha-ing kau na re majaw,
Noa hpe, "nsoi nsa rawng ai ashu
ashan yawng hte, na a dinghku
masha ni shang ai Sanghpaw
li kaba
langai, ...



... shachyaw shangun wu ai. Karai
Kasang gaw Noa hpe sanghpaw li
shachyaw ai hte seng nna, guji
guyang tsun dan wu ai hte
maren, Noa galaw wu ai.



Masha ni; Noa hpa
majaw Sanghpaw
Li shachyaw ai
hpe
chyai

ai shaloi,
jahpoi
asawng ma ai.
Raitim Noa
gaw matu nna
shachyaw wu ai.



Shi gaw Karai
Kasang a lam
shanhte hpe
tsun

dan wu ai
raitim, kadai mung
n madat ya wu ai.



Noa gaw makam masham grai kaba wu ai.
Shi gaw shanhte a shara e marang kalang
mi e mung, n htu ga ai
raitim, Karai Kasang
shabyin na hpe
kamsham wu ai.




Kade n na yang,
sanghpaw li
shachyaw ngut wu ai.



Karai Kasang gaw nsoi nsa rawng a ashu
ashan amyu shagu hta na lahkawng hkawng,
dai sanghpaw li hta jashawn wu ai.



Masha ni gaw; Noah ashu ashan ni hpe
Sanghpaw Li kata de jashawng
nga ai hpe yu nna, grau
jahpoi asawng ma ai.



Shanhte gaw n hkru ai amu ni hpe sha
matut galaw nga ai. Kadai mung
Sanghpaw li kata de shang
na ahkang, n pyi ma ai.





Jahtum e
gaw, ashu
ashan hte U
ni yawng gaw
Sanghpaw li kata
de jashawn ngut ai
shaloi, Karai Kasang gaw,
Noa hte shi a dum nta masha
ni hpe mung shang shangun wu ai.






Dai hpang
Karai Kasang
gaw, li chyinghka
hpe pat hkau wu ai.




Dai hpang, marang
kaba htu wa ru ai. Hka
htung hka hku ni kapaw pru
wa ai hte, mali shi ya mali
shi na tup marang htu wu ai.





Sha-u ing
ai gaw,
mare, muklung
ni yawng hpe ka-up
kau wu ai. Marang zim mat
ai hpang, bum ni yawng gaw
hka a npu e rai mat sai re.





Hkarang ntsa e nga ai
nsoi nasa rawng ai aria
yawng mayawng si mat sai.





Hka rawt wa ai hte
maren, Li gaw hka ntsa
e waw taw nga ai. Li
kata e singmang nna
ahtu kataw na re.
Raitim dai Li gaw Noa
hpe sha-u ing ai kaw na
makawp maga ai re.



Sha-u ing ai shata manga na ai
hpang, Karai Kasang gaw nbung
shabung dat ai. Li gaw Ararat
bum de sit sa wa nna dai
yang e mara
nga ai.



Noa gaw, ga ntsa e hka tang ai
ten du hkra, dai Li kata e mali
shi ya tup naw nga nga ai.



Noa gaw, sanghpaw Li a hkuwat chyinghka
hpaw nna, U Hkrudu hpe dat dat wu ai.
Dai U Hkrudu gaw ga ntsa ting e hka
naw ing nga ai majaw bai nhtang wa ai.





Bat mi na mat ai
hpang, Noa gaw
Hkrudu hpe Sanghpaw
Li kaw na bai dat dat
wu ai. Kade n na yang,
Hkrudu gaw tsanlun lap
katsing di makrang wa wu ai.






Noa gaw bat mi bai
la nna, Hkrudu hpe
bai dat dat wu ai.
Hkrudu bai n wa mat
sai majaw, ga ntsa e hka
tang mat sai hpe Noa
chye wu ai.




Karai Kasang gaw Noa hpe Li
kata kaw na pru wa na matu
tsun wu ai.




Noa hte shi a dinghku masha ni gaw,
Li kata kaw na ashu ahang U my
yawng hpe shapraw wu ai.



Noa gaw tawn hkungri galaw nhtawm,
shi hte shi a
dinghku masha
ni yawng hpe,
sha-u ing ai kaw na
shalawt wa ai Karai
Kasang hpe nawku
dawjau wu ai.





Karai Kasang
gaw Noah hpe
mauhpa ga sadi
jaw wu ai. Dai gaw,
htawm hpang de
sha-u bai n

ing na lam rai
nga ai. Karai
Kasang gaw
n-goilatun hpe
sakse hku nna
tawn da wu ai.



Noa hte shi a
dinghku masha ni gaw,
sha-u ing ngut ai hpang,
kalang bai ningnan kaw
nna bai hpang wu ai.



Daini, Mungkan
ting chyam bra nga ai
masha ni yawng gaw,
Noa hte shi a kasha ni
kaw na bra hkrat
wa ai ni re.



Noa Hte Sha-u Ing Ai Lam

Karai Kasang a Mungga kaw na
Maumwi, Chyum laika,

hta mu lu ai

Ningpawt Ninghpang 6-10

"Na a Mungga chyinghka lam
gaw nhtoi jaw nga ai."

Shakawn Kungdawn 119:130



Ngut Sai



Chyum maumwi ni gaw, anhte hpe hpan da nna,
Shi hpe chye shangun mayu ai Karai Kasang a
mauhpa lam ni hpe tsun dan nga ai re.

Karai Kasang gaw, anhte yubak mara tawt lai ai
hpe Shi chye wu ai. Yubak a ari gaw si ai re.
Raitim Karai Kasang gaw anhte hpe grai tsawra
ai majaw, shi a kasha shingtai Yesu hpe, mungkan
ga de shangun dat nna, wudang ntsa e si hkam
let, anhte a yubak mara a matu, ari hkrum sai re.
Madu Yesu gaw kalang bai hkrung rawt nna,
Sumsing Lamu de lung mat sai re. Nang madu
Yesu hpe kam ai hte, na a yubak mara ni hpe raw
dat hkau na matu hpyi nem yang, Shi raw dat kau
ya na re. Shi gaw, na a kata e hkrung nga nna,
Shi hte rau prat tup lu nga na re.



Ndai lam gaw, kaja nan tengman ai lam re hpe
nang kamsham yang,
Karai Kasang hpe ndai hku hpyi nem u:

Tsawra ai Yesu, Nang gaw, Karai re ai sha n-ga,
shinggyim masha hku sa pra nna, anhte a yubak
mara a matu si hkam let, kalang bai hkrung rawt
wa sai hpe, ngai kamsham ga ai. Chyeju hte, nye a
prat de Nang shang let, nye a yubak mara ni hpe
rawdats hkau ya rit. Shingrai yang, ngai gaw prat
ningnan lu nna, lanimi na ninghtoi hta Nang
hte rau, lu nga na re. Na a matsun maroi ga hpe
hkan nang chye na hte, Na a kasha langai hku sak
hkrung chye na matu ngai hpe karum la et.

Shani shagu Chyum laika hti let, Karai Kasang
hte ga shaga u! Yawhan 3:16

